



10 Mò sù mí apíó adwεpó, mlisen ansító. Bulu létu ahá, ɔlɛlɛ akw há mu iwí. Mliha mli bwεhé isuna ání lélé mliwu amótó. Ní mlídé íni bwε á, mliíméedida ɛkɛkɛkɛ. 11 Ibá alí á, Bulu obéfinkí ɔkpa gbagyaa há mlówie aní Wíe pó aní Ɖεpó Yesu Kristo iwíegyi ámóú itamamó ɔnó ámútó.

12 Mméesi mli asón ánfí káín. Iwu mótóá mliyin mó dodo. Mliwu mli ɔnɔkwali amósu kínkíínkín. 13 Ee, nawun ání íniá nanya mliwu nkpa ánfí mó á, iwu alé ání nétsiá káín mli asón ánfí brégyíbré. 14 Tsúfé aní Wíe Yesu Kristo lahá mí nabí ání mí nke itráa mótó ɔsulóu anísu. 15 Mò sù nótson ɔkpagyíɔkpasu há mlétsiá káín mósó mí ɔma.

### *Kristo Numnyam*

16 Megyi nyánsa anilópɔsré ɔtɛ bɔwa súná mli tsú aní Wíe Yesu Kristo túmí pó mu yinkí ba amu iwí. Mboún aniléhiε pó aní ansíbi wun mu numnyam. 17 Tsúfé aní ansító aní Sí Bulu lópu obú móa numnyam kpɔnkpɔnkpɔntí há Yesu, bréá Bulu Onumnyampu amu ɔmε lɛdali tsu ɔsósó ɔbée, “Ɖni gyí mí Bí ɔdwepóá olegyi mi ansí ní.” 18 Aní onutó lónu ɔmε amu tsú ɔsósó, bréá ania mɔnyɔ anilí iwu wankíhé amósu.

19 Íni sù anilahíε wun ání asón ámóú Bulu ɔnósó atáípó amu beblí tswi amu ihíε iwu mótó. Ibéhiε wá alé há mli, ní mleyaa asu nú mó, gyi mósó. Tsúfé amó asón ámu igyi fé ɔkandíεá idewankí oklúntó yófun bréá ɔyí ɔbεkε, bake ɔsrakpabi amu ɔbówankí mli klóntó. 20 Iwánkí mli ání megyi Bulu ɔnósó atáípó amu onutó apé bɔpɔwánlín Bulu asón ámu. 21 Tsúfé megyi amó onutó lópu amó agywun blí Bulu ɔnó asón tswi. Mboún Ɖhe Wankíhé lébá amósó beblí asón ání Bulu déklé.

## 2

### *Afunu Ató Asunápó*

<sup>1</sup> Bímbí ámu a, Bulu ɔ́nósú atóipó afunupu betsiá Bulu ahátɔ. Alí kén bétsiá mlítɔ ní. Bóbwe híéé pú amó onutó atosunáhéá itómó bɔwa mlítɔ. Bókusú líí amó Wíe amúbú ɔ́lɔhɔ amó ámusu kóráá, póhí amó iwí. <sup>2</sup> Ahá tsɔtsɔtsɔ bóbuo amó tsiátó laláhe pú pélula anfi. Amó su ahá bókpoí ɔ́nɔkwali ɔkpa ámu. <sup>3</sup> Amó ɔ́nsípe su békpekpée asún blí pówúí mlí kóba. Asún ogyípó Bulu léda iwísu ɔ́yí ɔpá ání ɔ́bébití amó isu, hí amó.

<sup>4</sup> Tsúfé Bulu mésikíé mu abɔpu amúbú bɔbwe lakpan ámu kóráá. ɔ́lɔwa amó ikan, tswí amó wá isubítí ogyá amúbú itamadun amó oklúklúúklúkpá oklúntɔ.\* Bétsiá inu yófun amó asún ogyíké. <sup>5</sup> Mhíyin ání Bulu mékiná atitífo amúbú bumobu mu amó isubítí. Mboún ɔ́leha ntsu léme amó fée. Noa muva ahá abasiénó pé lésián. Noa léda ɔ́kan bláa ahá alí bré ámutɔ ɔ́béé, butsiá tsiátóá ilegyi Bulu ansí. <sup>6</sup> Ida mlí ansító ání Bulu léha ogyá lɔhɔ Sodom móa Gomora awúlu mlí nsúó. Amó lakpan su Bulu lébití amó isu, isuna tóá íbéba ahá ání butókúsú líí mususu ekekó. <sup>7</sup> Táme Bulu léle yilé ɔ́bwepó Lot mó alí bré ámutɔ. Ahá ámu tsiátó laláhe pú amó mbłasmágyi letsíá han mu. <sup>8</sup> Oletsíá nú, oletsíá wun amó bwéhé laláhe ekekegyíeke, iletsíá tó mu klɔn. <sup>9</sup> Iní fée ilosuná ání aní Wíe yin alíá ɔ́béle yilé abwepó tsú isókítɔ, pú alíá ɔ́bébití lalahé abwepó isu yófun ekeá obégyi amó asún. <sup>10</sup> Múá idun a, ahá ánfi odu butamagyí iwísu, iwítsú bu amótó, butamasúsu

\* **2:4** Tataro butetí inu Griiki ɔ́blítɔ.

tɔtɔ ɪwɪ dɔn hakpan ání amó ɔwólɪ laláhe tekle. Bulu ɔbéhie bíti amó ɪsu.

Ní bɔde anumnyampɔvá bɔbɔ ɔsúsú sia á, itamawá amó ifú. <sup>11</sup> Bulu-abɔpɔvá bɔhíé bɔbɔ túmi, bɔbɔ ɔwɔnlín kóráá bɔtamasíá anumnyampɔ anfi Bulu ansító. <sup>12</sup> Afunu ató asunápó anfi bɔgyi fé pututɔ-mbwíá bɔma agywɪn. Bɔtɔkwíí amó keke, ahá bɔtekitá amó, mó amó. Bɔteblí asɔn laláhe tsú tóá bɔmonu mó asɪ ɪwɪ. Amó lalahɛbwe béhi amó fé pututɔ-mbwɪ. <sup>13</sup> Alɪ ámóú bahá ahá bɔde asón wun amɔ sɔ Bulu ɔbópɔ asɔn wunhe ká amó akɔ. Bɔtegyi ɔdwe nkɛtɔ, tsúfé ansigyíla bɔtɔbwé. Bɔtɔbwé pélla, kpóí ɪwɪ, bɔtowíé anɪtɔ anɪ nkegyító. Bɔde ɪwɪ mlé. <sup>14</sup> Tɔtɔ ɪma amó ansigyí dɔn mbɔatɔ. Bɔtamasí lalahɛ bwe. Bɔtemlé ahá ání amó hógyi melí tsukɔle, há bótɔbwé lakpan. Bahíé bí ɔnsɪpe wa. Amó bwehé laláhe anfi sɔ, bɔgyówɪ ní! <sup>15</sup> Basí ɔkpa wankláán ámu tswɪ, yó bɔbuo Beor mu bi Bulu ɔnósú ɔtópú Bileam bwehé laláhe. Ɔɔdwe sika ání obénya tsú lalahɛbwɛtɔ. <sup>16</sup> Mó sɔ Bulu léha mu afrímú lótoí wa mu, ɪleha olesi mu gbedéla amɔ bwe.

<sup>17</sup> Afunu ató asunápó anfi bɔma labi kɔkɔ. Bɔgyi fé ntsuá ɪlakpí ntéɛ nyankpɔvá ɪlabílá tuun, afú latsɔan mó náti. Ɔnɪ sɔ amó ɔtsiákpá ání Bulu lalá yáí amó gyí oklún tuuntɔ. <sup>18</sup> Bɔtotsú ɪwɪ, ká ɔnótó, pú amó ɔwólɪ laláhe tɪn ɔnó, mlé ahá bɔtelábwé lakpan ání besi bwe ɪmɔkúwá ɔpá. <sup>19</sup> Bɔtehié ahá beɛ, ní begyi amó atosunáhésɔ á, bégyi ɪwɪ. Táme amó onutó bɔgyi nkpábi há tsiátó laláhe. Tsúfé nyankpɔsa gyí ɔkpábi há tóá ɪde mɔsɔ gyí. <sup>20</sup> Ahá ání babí anɪ Wíe pú anɪ Ɔlepú Yesu Kristo, sí ɔyító ɔwólɪ laláheá iteyíntá nyankpɔsa bwe,

beyinkí yébitíwíé mótó, igyi amósú á, amó tsiátó teláyíntá dòn aliá igyi yái. <sup>21</sup> Ní bometepí wun okpa wankláán ámu kóráá á, tekí ibu alé há amó dòn ání bówun mó yínkí oma, sí mbla wankíhé amóú bəpəhá amó ámusu gyí. <sup>22</sup> Amó bwehé áñfi lahá yébi anfi laba mótó. “Kia tékplái, lápó mu odandu tsú” pú “Febie əprákuo ntsu aliágyialía á, əteláyébie odiba.”

### 3

#### *Ani Wie Obáke*

<sup>1</sup> Mí apíó adwepú, íni gyí əwoló nyəəsiá ndəwanlín sísí mli ní. Ndepu nwoló anyə áñfi káin mli, méní mlógywíin mó iwí wankláán. <sup>2</sup> Ndekléá mlikáin asón amóú Bulu ənósó atəipú wankíhé amu beblí yái ámusu. Mlikain aní Wíe, ogyi aní Əlepú Yesu Kristo mbla amóú əlatsun mu sumbí ayəpúsú wá há mli ámusu. <sup>3-4</sup> Gyankpapu a, ndekléá nékaín mli ání nke tráhe amutə á, ahinlá abwepú aku bóbuo amó onutó əwólí laláhe. Bóməsi mli, fité mli beə, “Yéə Yesu léblí yái əbéə, mélayínkí bá a? Mó nkí mu mé? Tsú aní anáin lowu brésú əpá á, tətəətə mókótsə. Alí amóú ilenya igyi ámu ni.” <sup>5</sup> Bakí ansí tan ání ənó Bulu lópəblí asón bímbí ámu, əsú móa asi ləlin, əwolóu lədalí tsu ntsutso. Ntsu é ələpəwé mó. <sup>6</sup> Ntsu kén əleha ələbulá yíntá bímbí əyí ámu. <sup>7</sup> Ənó ámu kén əletrá pəblí ání əsú móa asi áñfi mó ibétsiá yəfəun ekéá obégyi ahá amóú butamanyá mu ifú ámu asón, pú ogyá hí tógyító.

<sup>8</sup> Táme apíó adwepú, mlimátan íni mósú. Ekewóle igyi fé nfi-əpím, nfi-əpím é igyi fé ekewóle aní Wíe ansító. <sup>9</sup> Ahá bukí beə, Bulu tesi tsiá tóá alahíéá əbóbweə. Megyí alí igyi, mboún klən otenyá há

mli; ménu ðhagyiðha ðbedamlí klontə sí lakpan bwe, tsúfɛ omedékléá ðhaa ðbófwi.

<sup>10</sup> Táme aní Wíe ðbáke amu ibófwie ahátə, fé aliá owikplu tofwíe ðhatə. Eke ámu a, əsósú bósorá ok-itikíti kóklóklúú ŋa. Ogyá bɛŋlaín ntobíá əlpubwé əsó móa así fɛé. Əsulúu móa mósó ató é fɛé bóhə plíplíplíplí. <sup>11</sup> Iníá lélé Bulu obéyintá əyítə ató fɛé ali á, tsiátó məmu ilehián ání mlóputsiá, ibégyi Bulu ansí? Ilehián ání mli iwí bétin, mlósúm Bulu.

<sup>12</sup> Mlitsia tsiátó anfi pɔkɔ əkpa ha Kristo ðbáke amu, amlíha mó ikəsí ba. Bulu ðbópɔ ogyá hí tógyítə əsósú eke ámu. Mó okunkúu é ibɛŋlaín inu ató fɛé. <sup>13</sup> Táme Bulu léhie ání ðbóbwe əsó móa así pəpwe há aní. Ətínéá ahá ání amó asón da əkpa bétsiá. Mó anígyó ní.

<sup>14</sup> Mó sv apió adwepó, iníá mli gyó iní sv á, mli yiri iwí amlitsia tsiátóá mó iwí letin, əlala méetsiá mli iwí Bulu ansítə, ménu iwílwii bétsiá mlia mɔnyə nsiné. <sup>15</sup> Mlímátan ání ahá nkpahóə só aní Wíe dé iklɔn nya, fé aliá aní pío ədwepó Paulo lópɔ nyánsa ání Bulu léha mɔ wánlín asón anfi kén sísí mli.

<sup>16</sup> Asón anfi aná iwí əlɔtəí tsú mɔ nwołó fɛétó ni. Táme mɔ asón ámu ikv asinu bv ənlín. Mó sv ahá ání bɔtamakási tətə pú ahá ání amó hogyi melí tsukole bɔtedámlí Paulo asón ámu, fé ali á múú bɔtedámlí Bulu ason wanlínhé bun amu. Mó ðbéha Bulu ðbéhu amó ní.

<sup>17</sup> Táme apió adwepó, iníá mliyin mó ali sv á, nde mli əlá da yái. Mlídinka ansí iwísv, ménu ahá anfi bɔtamagyi mblasv anfi bɔmóəpɔ amó atosunáhé laláhe amu bɛmlé mli, amlídida. <sup>18</sup> Mboún mli yə mósó, ménu aní Wíe pú aní Əlepó Yesu Kristo awítəle pú mɔ bi bómoní mli tə. Numnyam ibwéə mɔ kle tsú séi púya bré fɛétó! Amen.

**Bulu ntam pɔpwɛ; Nkonya**  
**New Testament in Nkonya (GH:nko:Nkonya)**

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

**Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Nkonya

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 11 Nov 2022 from source files dated 29 Jan 2022

01b09958-fa53-51d1-aae0-88c7e9302503